



Wustawki za zarunanje čestnohamtskeho skutkowanja přislušnikow wohnjoweje wobory Chrósćicy (zarunanje wohnjowych wobornikow)

Na zakładze §§ 4 a 21 Gmejnskeho porjada Swobodneho stata Sakskeje (SächsGemO), § 63 wotst. 1 Sakskeho zakonja wo wohnjoškiće, wuchowanskej službjce a katastarofowym škiće (SächsBRKG) a postajenja Sakskeho statneho ministerstwa nutřkowneho wo wohnjowych woborach a přehladce wo zadžěwanju wohenjow w Swobodnym staće Sakska (Sakske wohnjowoborne postajenje – SächsFwVO), w stajnje plaćiweje formje, je gmejnska rada gmejny Chrósćicy dnja 10.02.2022 slědowace wustawki wobzamknyła:

§ 1

Dale plaćenje mzdy

Čestnohamtsce skutkowacy přislušnicy wohnjoweje wobory maja po § 62 wotst. 1 SächsBRKG prawo na dale plaćenje mzdy abo zaslužby, zapřijawši pódlanske plaćenja a přiražki za čas zasadženja, zwučowanja kaž tež wukubłanja a dalekubłanja, kotruž bychu bjez wobdžělenja na wohnjowobornej službjce dóstali. K tomu liča tež wudawki za dale plaćenje mzdy dla džětanjekmanosće na zakładze služby we wohnjowej woborje, kotrež by so po zakónskich předpisach plaćić měli. Priwatnemu džěłodawarjej so po sadže 1 wotpowědne wudawki na próstwu zarunaja. Wysokosc mzdy ma so wěrjomnje dopokazać.

§ 2

Narunanje wupada mzdy

Prawo na zarunanje wupada mzdy za čestnohamtsce skutkowacych přislušnikow wohnjoweje wobory, kotřiž njesu džělopřijimarjo, rjaduje so po § 62 wotst. 2 SächsBRKG w zwisku z § 14 SächsFwVO. Za kóždy dzeń móža so maksimalnje 10 hodžinow wobkedžbować. Započane hodžiny so na połne hodžiny zliča. Wysokosc wupada mzdy ma so wěrjomnje dopokazać.

§ 3

Zarunanje nošerjow funkcijow

- (1) Plaća so slědowace zarunanja jako měsačna pawšala:
- | | |
|---|-------------|
| nawoda gmejnskeje wohnjoweje wobory | 50,00 eurow |
| zast. Nawoda gmejnskeje wohnjoweje wobory | 20,00 eurow |
| nawoda městneje wohnjoweje wobory | 25,00 eurow |
| nawoda młodžinskeje wohnjoweje wobory | 20,00 eurow |
| zamołwity za graty a nastroje | 15,00 eurow |
| zamołwity za dychanske nastroje | 15,00 eurow |
- (2) Zarunanja po wotst. 1 wuplaća so połlětnje stajnje na kóncu połlěta.

(3) Jeli zastupjer swoje nadawki w poľnej měrje wukonja, dóstanje stajnje wot třećeho dnja zastupa za čas zastupowanja zarunanje wudawkow w samsnej wysokosći kaž nawoda gmejnskeje abo městneje wohnjoweje wobory. Při tym ma so zarunanje za zastupowanje přiľičić.

(4) Při dwójnej wólbnej funkciji płaći so jenož wyše zarunanje.

§ 4

Njepláćenje zarunanja wudawkow

Prawo na zarunanje wudawkow po § 3 spadnje,

1. ze skónčenjom měsaca, w kotrymž je woprawnjeny swoje zastojnstwo skónčił, abo
2. hdyž njeje woprawnjeny bjez přestawki dlěje hač tři měsacy čestnohamtsce skutkował, wšón čas nad tute tři měsacy.

Hdyž ma woprawnjeny přičiny za njewukonjenje čestnohamtskeho skutkowanja sam zamoľwić, spadnje prawo na zarunanje wudawkow, ručež čestnohamtske skutkowanje hižo njewukonja.

§ 5

Jězbne wudawki

Jězbne wudawki we wobłuku wohnjowoborneho skutkowanja resp. službne jězby kotrež služa naprawam wukubłanja a dalekubłanja, so po wotpowědnych postajenjach sakskeho zakonja wo jězbnych wudawkach (SächsRKG) kaž tež k tomu slušacych postajenjach a zarjadniskich předpisach we wotpowědnej formje zarunaja.

§ 6

Nabyće płaćiwosće

Wustawki nabudu dzeń po jich wozjewjenju płaćiwosć. Runočasnje zhubja wustawki wo zarunanju nošerjow funkcijow wohnjoweje wobory gmejny Chróscicy z dnja 14.07.2006 swoju płaćiwosć.

Chróscicy, dnja 17.03.2022


Marko Kliman
wjesnjanosta

Pokiw na doby k skedźbnjenju na zranjenje předpisow wotběha a formy:

Po § 4 sada 1 SächsGemO płaća wustawki, kotrež su nastali zraniwši předpisy wotběha a formy, jedne lěto po jich wozjewjenju jako wot wšeho spočatka płaćiwje zhotowjene.


To njepláči, jeli

1. s so wustawki wopak nastajili abo scyła nic;
2. su so předpisy wo zjawnosći posedženja, přizowlenja abo wozjewjenja wustawkow zranili;
3. je wjesnjanosta wobzamknjenju po § 52 wotst. 2 SächsGemO dla přeńdženja přećiwo zakonjej spřećiwił;
4. je před zakónčenjom doby, kotruž § 4 wotst. 4 sada 1 SächsGemO mjenuje
 - a) prawnski dohladowanski zarjada wobzamknjenje reklamował abo
 - b) hdyž je so zranjenje předpisow wotběha a formy napřečo gmejnje z mjenowanjom wobstejnosćow, kotrež zranjenja wobkruća, pisomnje wuprajilo.

Jeli je so zranjenje po sadže 2 č. 3 a 4 wuprajilo, móže po zakónčenju doby, mjenowanej w sadže 1, kóždy tute zranjenje deklarować. Sady 1 do 3 maja so jenož nałožować, hdyž je so při wozjewjenju wustawkow na wuměnenje za wužadanje zranjenja předpisow wotběha a formy a prawnske scěhi skedźbniło.

Tutón pokiw so na tutym městnje da.

Chrósćicy, dnja 11.03.2022



Marko Kliman
wjesnjanosta